



Na osnovu člana 70. a u vezi sa članom 64. stav 1. tačka b. Zakona o javnim nabavkama BiH („Sl. glasnik BiH“ br. 39/14), člana 63. Statuta JP Elektroprivreda BiH d.d. – Sarajevo, ZD Rudnici „Kreka“ d.o.o. – Tuzla, - br. S-3241/16 od 11.11.2016.godine i Zapisnika o pregledu i ocjeni ponuda sa preporukom komisije od 24.07.2017.godine, Uprava Društva na 23. sjednici održanoj dana 01.08. 2017. godine, d o n o s i:

ODLUKU

o dodjeli ugovora za javnu nabavku usluga

Član 1.

Ugovor za javnu nabavku usluga- izrada „Idejni projekat upravljanja građevinskim otpadom kod izgradnje sistema sakupljanja, odvođenja i prečišćavanja otpadnih voda u Rudniku „Dubrave“ u Dubravama“, dodjeljuje se ponuđaču Institut za zaštitu, ekologiju i obrazovanje d.o.o. Tuzla koji je dostavio ponudu broj: 721-P-II/17 od 19.07.2017. godine u vrijednosti od 836,75 KM bez PDV-a, odnosno 979,00 KM sa PDV-om.

Član 2.

Nakon konačnosti ove Odluke sa ponuđačem iz člana 1. Odluke zaključit će se ugovor.

Član 3.

Ova Odluka stupa na snagu danom donošenja.

O b r a z l o ž e n j e

Komisija za provođenje konkurentskog zahtjeva za dostavljanje ponuda poslala je upit broj: 03-750/17 od 11.07.2017. godine, za dostavu ponuda za javnu nabavku usluga- izrada „Idejni projekat upravljanja građevinskim otpadom kod izgradnje sistema sakupljanja, odvođenja i prečišćavanja otpadnih voda u Rudniku „Dubrave“ te je izvršeno objavljivanje Obavještenja broj: 663-7-2-1076-3-311/17 od 12.07.2017. godine na portalu Javnih nabavki.

Kompletna Tenderska dokumentacija objavljena je na portalu Javnih nabavki dana 12.07.2017.godine, u skladu sa članom 55. ZJN BiH (Službeni glasnik BiH br. 39/14) i članom 9. Uputstva o dopunama uputstva o uslovima i načinu objavljivanja obavještenja i dostavljanja izvještaja o postupcima javnih nabavki u informacionom sistemu e-nabavke (“Službeni glasnik BiH” br. 53/15).

Komisija je utvrdila da je u traženom roku dostavljeno 5 (pet) ponuda i to: Rudarski institut d.d. Tuzla, Institut za zaštitu, ekologiju i obrazovanje d.o.o. Tuzla, TQM d.o.o. Lukavac, Institut za građevinarstvo “IG” Banja Luka, A.D.“Projekt” Banja Luka. Rudarski institut d.d. Tuzla -ponuda nije ispunila formalno pravne uslove (tačka 5.3. konkurentskog zahtjeva) svi listovi ponude nisu parafirani ili potpisani od osobe koja je ovlaštena da zastupa ponuđača. Uvidom u dostavljenu ponudu i traženu dokumentaciju komisija je konstatovala da sve ponude osim ponude Rudarskog instituta d.d. Tuzla zadovoljavaju tražene zahtjeve.

Nakon provedenog postupka od strane komisije, te Zapisnika o pregledu i ocjeni ponuda sa preporukom komisije od 24.07.2017.godine, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti prigovor JP Elektroprivreda BiH d.d. – Sarajevo, ZD Rudnici „Kreka“ d.o.o. – Tuzla u roku od 5 (pet) dana od dana prijema iste.

Broj: U- 2624 /17
Tuzla, 01.08. 2017. g.

Dostaviti:
- 03/1
- a/a

